

STATISTIČKE INFORMACIJE O RADU NA PREDMETIMA RATNIH ZLOČINA

Izvještajni period: 01.01. do 30.06.2023. godine

Pred Okružnim sudom u Trebinju u toku su suđenja u predmetima broj:

1. 15 0 K 004280 22 K, protiv optuženog Elez Ilije, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Početak glavnog pretresa održan je dana 02.02.2023. godine. Na glavnom pretresu je pročitana optužnica i date su uvodne riječi, nakon čega je javni tužilac pristupio izvođenju dokaza. Saslušana su dva svjedoka M. M i H. S., kako direktno tako i unakrsno. Nastavak glavnog pretresa održan je dana 02.03.2023. godine, tom prilikom javni tužilac je nastavio sa izvođenjem dokaza, te su saslušana dva svjedoka, R.G i V.G, kako direktno tako i unakrsno. Takođe, na glavnom pretresu je pročitana zapisnik o saslušanju svjedoka iz istrage Z.A, koji je u međuvremenu preminuo, a branilac optuženog je naveo pitanja koja bi postavio da je svjedok prisutan. Nastavak glavnog pretresa održan je dana 29.03.2023. godine, javni tužilac je nastavio sa izvođenjem dokaza, te su pročitani zapisnici o saslušanju svjedoka iz istrage V.T. D. K i R. K, čiji dolazak pred sud je znatno otežan iz važnih razloga, te je pročitana i iskaz svjedoka M. H. koji je u međuvremenu preminuo, a branilac optuženog je naveo pitanja koja bi postavio da je svjedok prisutan. Nastavak glavnog pretresa održan je dana 06.04.2023. godine, kojom prilikom su saslušani svjedoci B.E. i A. H., te 12.05.2023. godine kada je saslušan svjedok B.S., dok je pročitana zapisnik o saslušanju svjedoka R.S. Nastavak glavnog pretresa je zakazan za dan 20.06.2023. godine, na kojem je saslušana svjedokinja Z.H. Naredni glavni pretres je zakazan za dan 12.9.2023.g., na koji pretres su pozvana tri svjedoka.
2. 15 0 K 004223 20 K, protiv optuženog Milić Radomir zv. Mića, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. U navedenom predmetu, ovaj sud je dana 20.02.2023. godine uputio dopis Ministarstvu pravde BiH dana u pogledu pribavljanja informacija da li postoji odgovor danskih vlasti, povodom upućene zamolnice od 19.01.2022. godine u ovom krivičnom predmetu. Upućena je i zamolnica za pružanje međunarodne pravne pomoći Nadležnom organu Kanade putem Ministarstva pravde BiH, s obzirom da nije dostavljen nikakav odgovor po prethodnoj zamolnici od 02.09.2020. godine. Takođe, upućen je odgovor na mejl danskih vlasti u pogledu uspostavljanja direktne saradnje i utvrđivanja mogućnosti saslušanja svjedoka, koji žive na teritoriji Kraljevine Danske.

3. 15 0 K 004152 19 K, protiv optuženog Predraga Lažetića zv. Pele, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. U navedenom predmetu nastavak glavnog pretresa održan je dana 09.03.2023. godine, tom prilikom saslušan je svjedok iz SAD, preko video konferencije, čime je završen dokazni postupak, te je zakazano ročište za davanje završnih riječi. Dana 25.04.2023. godine sud je donio i javno objavio presudu kojom je optuženog Predraga Lažetića oglasio krivim što je kršeći pravila međunarodnog prava za vrijeme oružanog sukoba prema civilnom stanovništvu vršio nečovječna postupanja i povrede tjelesnog integriteta, čime je počinio krivično djelo Ratni zločin protiv civilnog stanovništva iz člana 142. stav 1. KZ SFRJ, pa ga sud na osnovu istog zakonskog propisa, uz primjenu odredbi člana 41. stav 1. tačka 2. i člana 43. stav 1. tačka 1. KZ SFRJ, osuđuje na kaznu zatvora u trajanju od 2 (dvije) godine i 6 (šest) mjeseci.
4. Rješenjem ovog suda broj 15 0 K 005972 23 Kps odbijena je optužnica Okružnog javnog tužilaštva u Trebinju broj T 16 0 KTRZ 0011592 21 od 24.04.2023. godine, protiv osumnjičenih Đilas Milutina i Vojvodić Rajka, zbog krivičnog djela Ratni zločin protiv civilnog stanovništva iz čl. 142. st. 1. Krivičnog zakona SFRJ. Navedeno rješenje je potvrđeno dana 05.05.2023.godine, te postalo pravosnažno.